

天光 Daylight / 曾貴海 Tseng Kuei-hai

佢等有相同个天光同暗晡
四季輪流來到島國
對海唇到山頂
開滿又靚又香个花

島上歇滿平等个人類
有人權个自由人
幾百年來
殖民者帶著利刀同槍子
侵占島國生命
強迫佢等跪佇土地
一代接一代
還未出生就係殖民地个細人仔

二戰後
殖民者抹滅幾萬人个名仔
關入暗夜个房間
承受一生介苦難
台灣人又忍受了 37 年戒嚴
佢等个抵抗正有佢等个的存在
春天已經帶著花來了島國
民主的个花蕊
自由的个花蕊
台灣講出人類个心聲

愛爾蘭係台灣个兄弟
汝等个目汁同血
也曾經染紅歷史个長河

反抗係你們最高尚个情操
趕出殖民者
汝等个堅持同意志
係世界受壓迫个民族中

最閃亮个勳章

台灣同汝等有共同命運

共下伸出兩隻手

攬著民主自由

不放手